



Inatsisartuni ilaasortaq Randi V. Evaldsen, Demokraatit
/maani

25-04-2019
Suliaq nr.: 2019 - 6731
Id nr. 40516469

Marsip 27-ani 2019 apeqqarissaarneqarninnit apeqqutigisannut allakkatigut akissut

Asasara Randi V. Evaldsen

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Marsip 27-ani 2019 apeqqarissaartoqarnerani imaattumik apeqquteqarputit:

“Kulusumminngaanniit mittaqaarfimminngaanniit heliportimut Tasiilamut missinnaalernissaat – qanuttut ilissinninngaanniit takorloorsinnaanerissi aaqqiissutissaq massakkut, attaveqaat massakkut taannaannaavoq angallannikkut, nunatta kangiani tassalu tunumi – arlaatigut aaqqiissutissaq mittarfiup qulleqarneranut aaqqiissutissamik ujartuinersusi paaserusunnarpoq”

Akissut:

Mittarfeqarfiit naatsorsuutigivaat, Tasiilami heliportimi mittarfiit qulliinik ikkussinermi 150.000 kr. missaanik aningaasartuuteqassasut.

Maannakkut Air Greenlandip sullissineranni unnuakkut timmisartuussisoqarneq ajorpoq. Tasiilami heliportimi Mittarfinni qulliit pisariaqalissapput, aatsaat helikopterimik angallassineq annertusineqarluni unnukut timmisartuussisalernissamik piumasaqartoqarpat, piffissami angallavigneqartup taakkua akornanni qaamanerissaarnerup malitsigisaanik periarfissaqartillugu (soorlu assersuutigalugu qaammatigitsillugu).

Air Greenland maannakkumut Tasiilami heliportimi pingaarnertut ingerlatsisoq, mittarfiit qulliisa sullissinermit iluaqutaaratarsinnaanerit pillugu imatut ilisimatitsivoq:

”Tasiilap Heliportiani (AGM) qullernik ikkussisoqassappat - ingerlatsinerup tungaaniit isiginiassagaanni - tamanna taartumi Heliportip angallavigneqalersinnaanissaa periarfissaalissagaluarpoq, Helipadsit qullilersukkat allat naligalugit.

Maluginiaqqunarpoq, maannakkumut sumiiffimmi unnukut angallassisoqarneq ajormat, aammalu Kulusuup (KUS) mittarfiata kisimi taartumi minnissamut qaammaqputit pisariaqartinneqartut pigigai.”

Aammattaaq Air Greenlandip oqaatigivaa, maannakkut sullissinermit, sumiiffimmi

taarnerani ilaasunik angallassinissamut tunngavissaqanngitsoq.

Neriuppunga qulaani allaqqasumi apeqqutigisannut akissutiga naammattoq.

Inussiarnersumik inuulluaqqusillunga

Karl Frederik Danielsen